

Mahere Aromatawai – 2024

Te Reo Rangatira: Te whakarongo ki ngā tohunga reo (91777)

Paearu Aromatawai

Paetae	Kaiaka	Kairangi
• Ka arohaehae i ngā tikanga peha i roto i ngā kōrero a te tohunga reo. • Ka whakaō atu ki tā te kaikōrero e whakapuaki ana.	• Ka whakamārama i ngā tikanga peha i roto i ngā kōrero a te tohunga reo. • Ka taunaki i ngā whakamārama.	• Ka aromātai i te kounga o te whakamahi i ngā tikanga peha i roto i ngā kōrero a te tohunga reo. • Ka nanakia te taunaki i ngā whakamārama.

Ngā Whakatau Iho

Kāore i Whiwhi (KW)	Paetae (P)	Kaiaka (KA)	Kairangi (KR)
0–6	7–12	13–18	19–24

Taunakitanga

Pātai Tuatahi

Hei tā Rāniera, “Heoi, mutu ana tō wiki kua ahatia koe e Aotearoa?”. He aha te hāngaitanga o tēnei rerenga ki te kaupapa matua o tēnei kōrero nei? Taunakitia tō whakautu.

E hāngai ana ki te whakapātaritari a Rāniera i te hunga kōrero Māori, oti noa i te hunga e ako tonu ana i te reo Māori, kia kōrero Māori ki te kāenga, otirā ki ngā wā me ngā wāhi katoa kua noa iho i te wiki kotahi nei e kaha nei te whakanuia ōna e te motu whānui. He ui makihoe ka rere, ka ora rānei te reo i tēnā wiki kotahi nei?

KW1	KW2	P3	P4	KA5	KA6	KR7	KR8
• Ka whai i te whakautu hāngai, engari auare ake.	• He whakautu i tuhinga engari he pāpaku rawa.	• I whakahua noa iho i ētehi whakaaro mō te hāngaitanga o te rerenga rā ki te kaupapa matua. • Mutu atu i konā.	• I whakahua noa iho i i ētehi whakaaro mō te hāngaitanga o te rerenga rā ki te kaupapa matua. • He paku noa tana whakawhānui ake.	• I whakamārama i ana whakaaro mō te hāngaitanga o te rerenga rā ki te kaupapa matua. • He paku taunakitanga i te kōrero. • He paku kōrero hoki mō te aha i pērā ai.	• I whakamārama i ana whakaaro mō te hāngaitanga o te rerenga rā ki te kaupapa matua. • He paku taunakitanga i te kōrero. • He paku ruku hoki i te kōrero mō te aha i pērā ai.	• Ka wānangatia ana whakaaro mō te hāngaitanga o te rerenga rā ki te kaupapa matua. • He taunakitanga pai i te kōrero. • Ka whānui te wānanga mō te aha i pērā ai.	• He whānui, he hōhonu ake ana whakaaro mō te hāngaitanga o te rerenga rā ki te kaupapa matua. • He taunakitanga nanakia i te kōrero. • Ka tukuna hoki ōna whakaaro ake mō te hāngaitanga o te rerenga rā ki te kaupapa matua.

KW0= Kāore he paku hāngaitanga, kāore rānei he tuhinga.

Pātai Tuarua

E ai ki a Rāniera, he aha te rongoā e ora anō ai te reo, ka mutu, nā te aha i ora ai te reo o ngā kaikōrero Māori? Kia taunakitia hoki tō whakautu ki ōu nā whakaaro.

E ora nei te reo me iri māro o tātou manawa ki te whakaaro, kia kōrerotia te reo i ngā wā katoa, ki ngā wāhi katoa. Ka mutu ko te reo pākeha kē te reo tuatahi o te nuinga o ngā kaikōrero māori ā mohoa nei, ko rātou i kuhu i a rātou, kāore nei rātou i ako i ō rātou kāenga, engari kē kua riro i ngā kaupapa pēnei i te Kōhanga Reo, i ngā Kura, i ngā kōhi reo taua mahi.

Koia nei te pakanga kei te aroaro, kia hoki anō te reo ki ō tātou kāenga matawara ai. Koia hoki te tohu matua o te reo ora, ko te whāngaitia o te reo ki a tātou tamariki e te whānau. Mā aua tamariki hoki e kawea i te reo ki whenua hou, ki tua o te huataua i taea ai e tātou ā mohoa nei. Kia kawea ai te wairua o te kupu ō-nehe, te wairua o te kōrero o ngā mātua tīpuna ki ngā horopaki o te āpōpō, ā, ki kōnā kāenga rua ai te ora o te reo.

KW1	KW2	P3	P4	KA5	KA6	KR7	KR8
• Ka whai i te whakautu hāngai, engari auare ake.	• He whakautu i tuhinga engari he pāpaku rawa.	• He whakahua noa iho i ngā rongoā mō te oranga o te reo, ā, he kōrero hoki mō te whāngaitanga o te tamariki ki te reo. • Mutu atu i konā.	• He whakahua noa iho i ngā rongoā mō te oranga o te reo, ā, he kōrero hoki mō te whāngaitanga o te tamariki ki te reo. • He paku noa tana whakawhānui ake.	• He whakamārama i ngā rongoā mō te oranga o te reo, ā, he whakamārama hoki mō te whāngaitanga o te tamariki ki te reo. • He paku taunakitanga i te kōrero. • He paku kōrero hoki mō te aha i pērā ai.	• He whakamārama i ngā rongoā mō te oranga o te reo, ā, he whakamārama hoki mō te whāngaitanga o te tamariki ki te reo. • He paku taunakitanga i te kōrero. • He paku ruku hoki i te kōrero mō te aha i pērā ai.	• He whakahua, he wānanga hoki i ngā rongoā mō te oranga o te reo, ā, he whakamārama hoki mō te whāngaitanga o te tamariki ki te reo. • Ka nui te taunaki e kaha kitea ai te mārama o tana whakautu.	• He whānui, he hōhonu ake te wānanga mō ngā rongoā mō te oranga o te reo, ā, he whānui hoki te wānanga mō te whāngaitanga o te tamariki ki te reo. • He taunakitanga nanakia i te kōrero. • Ka nui te tiki atu i ētahi taunakitanga i te pānui e kaha kitea ai te mārama o tana whakautu.

KW0= Kāore he paku hāngaitanga, kāore rānei he tuhinga.

Pātai Tuatoru

He aha a Rāniera e tautoko ana i ngā hinonga whakatairanga i te reo? He aha hoki tana kōrero whakatūpato mō te oranga o te reo? Matapakingia te hāngaitanga o tāu whakautu ki te matū o te kōrero.

He whakaratarata i a Aotearoa whānui ki te reo, e kitea ana nā aua mahi e heke haere nei te tūwatawata o ngāi whakatakē i te ahurea Māori.

E 430 ngā Kōhanga Reo, neke atu i te 100 ngā Kura Reo Māori, he pouaka whakaata, he reo irirangi Māori anō hoki, arā noa atu ngā kaupapa tautoko i te whānau, kia kaha tonu ēra. Engari ki te kore tātou e kōrero Māori i te kāenga, nōhea tēnei reo e ora ai.

KW1	KW2	P3	P4	KA5	KA6	KR7	KR8
• Ka whai i te whakautu hāngai, engari auare ake.	• He whakautu i tuhinga engari he pāpaku rawa.	• Ka whakahua noa iho i ngā take e tautoko ana a Rāniera i ngā hinonga whakatairanga i te reo, ā, ka whakahua anō hoki i te whakatūpato a Rāniera mō te oranga o te reo. • Mutu atu i konā.	• Ka whakahua noa iho i ngā take e tautoko ana a Rāniera i ngā hinonga whakatairanga i te reo, ā, ka whakahua anō hoki i te whakatūpato a Rāniera mō te oranga o te reo. • He paku noa tana whakawhānui ake.	• He whakamārama i ngā take e tautoko ana a Rāniera i ngā hinonga whakatairanga i te reo, ā, ka whakahua anō hoki i te whakatūpato a Rāniera mō te oranga o te reo. • He paku taunakitanga i te kōrero. • He paku kōrero hoki mō te aha i pērā ai.	• He whakamārama i ngā take e tautoko ana a Rāniera i ngā hinonga whakatairanga i te reo, ā, ka whakahua anō hoki i te whakatūpato a Rāniera mō te oranga o te reo. • He paku taunakitanga i te kōrero. • He ruku hoki i te kōrero mō te aha i pērā ai.	• He whakahua, he wānanga hoki i ngā take e tautoko ana a Rāniera i ngā hinonga whakatairanga i te reo, ā, ka whakahua anō hoki i te whakatūpato a Rāniera mō te oranga o te reo. • Ka wānanga i te hāngaitanga o tana whakautu ki te matū o te kōrero. • Ka nui te taunaki e kaha kitea ai te mārama o tana whakautu.	• He whānui, he hōhonu ake te whakamārama o ngā take e tautoko ana a Rāniera i ngā hinonga whakatairanga i te reo, ā, ka whakahua anō hoki i te whakatūpato a Rāniera mō te oranga o te reo. • Ka wānanga i te hāngaitanga o tana whakautu ki te matū o te kōrero. • Ka nui te tiki mai i ētehi taunakitanga i te pānui e kaha kitea ai te mārama o tana whakautu.

KW0= Kāore he paku hāngaitanga, kāore rānei he tuhinga.